









1200

1200

1200











四時

陰陽者天地之大理也四時者陰陽之大經也刑德者四時之合也刑德  
合於時則生福詭則生禍然則春秋身時其行東方曰星其時曰春其氣  
曰風風生木與骨其德喜贏而欲出節時其事號令修柔風甘雨乃至  
百姓乃壽百蟲乃蕃此謂星德星者掌辰為風南方曰日其時曰夏其  
氣曰陽陽生火與氣其德施舍倍樂其事號令賞賜賦爵受祿順鄉  
謹修神祀量功賞賢以動陽氣九暑乃至時雨以降五穀百果以登此  
謂日德中央曰土土德實輔四時入出以風雨節土益力士生皮膜膚其德  
和平用均中正無私實輔四時此謂歲德日掌賞賞為暑歲掌和和為雨  
西方曰辰其時曰秋其氣曰陰陰生金與甲其德憂哀靜正嚴順居不敢  
屈佚其事號令毋使民淫暴順旅聚以量民資以畜聚賞彼群幹聚彼



群材百物乃收使民無怠而惡其察所欲必得我信則克此謂辰德辰掌以  
以為陰北方曰月其時曰冬其氣曰寒寒生水此血其德淳越溫怒周密其  
事號令修禁徙民令靜止地乃不世新刑教罰無赦有罪以符陰氣大寒  
乃至甲兵乃施五穀乃熟國家乃昌四方乃備此謂月德月掌罰罰為寒是  
故春凋秋榮冬雷夏有霜雪此皆氣之賊也刑德為節失次則賊氣起至賊氣  
起至則國多苗殃是故醒王務時而寄政焉作教而寄武作祀而寄德焉此之  
者醒王所以合于天地之行也日掌陽月掌陰星掌和陽為德陰為刑星為事  
是故日食則失德之國惡之月食則失刑之國惡之彗星見則失和之國惡之風  
與日爭明則失生之國惡之是故醒王日食則脩德月食則脩刑彗星見則脩和  
風與日爭明則脩生此四者醒王所以免于天地之誅也

能治民者未之有也是必立非必廢有功必賞有

罪必誅若是安治矣未也

而德未者則以未具下



四時

之大經也四時者陰陽之大經也刑德有  
四時之合也刑德

風日年明順保中氣日者陽王氣六氣止久

為六氣

氣日年明順保中氣日者陽王氣六氣止久

氣日年明順保中氣日者陽王氣六氣止久

氣日年明順保中氣日者陽王氣六氣止久

氣日年明順保中氣日者陽王氣六氣止久

氣日年明順保中氣日者陽王氣六氣止久

氣日年明順保中氣日者陽王氣六氣止久

氣日年明順保中氣日者陽王氣六氣止久

氣日年明順保中氣日者陽王氣六氣止久

氣日年明順保中氣日者陽王氣六氣止久



管子卷第二

唐司空房 玄齡 註

七法第六 版法第七

七法第六

謂則象法化決  
塞心術計數

經言六

言是而不能立

言非而不能廢

謂之是不能立其  
人而用之謂之非

不能廢其  
人而退之

有功而不能賞有罪而不能誅若是而

能治民者未之有也是必立非必廢有功必賞有

罪必誅若是安治矣未也

能此四者可以安治矣  
而猶未者則以未具下



故事是何也。曰。形勢器械未具。猶之不治也。形勢器

械具。四者備治矣。

四者備謂立是廢非賞功誅罪

不能治其民而

能彊其兵者。未之有也。

能治民然後能彊兵

能治其民矣。而

不明于爲兵之數。猶之不可。

雖能治民而欲彊兵必明於爲兵之數然

後不能彊其兵。而能必勝敵國者。未之有也。能彊

其兵。而不明于勝敵國之理。猶之不勝也。

雖能彊兵其欲

勝敵國必須明審其理理之不明猶是不勝也

兵不必勝敵國。而能正天

下者。未之有也。兵必勝敵國矣。而不明正天下之

分。猶之不可。故曰。治民有器。爲兵有數。勝敵國有



理正天下有分

器數理分即下之七法也

則象法化決塞心術

計數

此七法之目也

根天地之氣寒暑之和水土之性人

民鳥獸草木之生物雖不甚多皆均有焉而未嘗

變也謂之則

根元也生萬物者天地之元氣也

義也名也時也似

也類也比也狀也謂之象

義者所以合宜也名者所以命事也時者名有

所當也似類比狀謂立法者必有所倣倣不徒然也

尺寸也繩墨也規矩也

衡石也斗斛也角量也謂之法

此角亦器量之名凡十二事皆立政

者所以為法也漸也順也靡也久也服也習也謂之化

謂漸

革物當以漸也順也靡也謂物順教而風靡也久也服也習也謂人習服教命之久予奪也



險易也。利害也。難易也。開閉也。殺生也。謂之決塞。

凡此十二事皆為政者所以決斷而窒塞也。實也。誠也。厚也。施也。度也。

恕也。謂之心術。凡此六者皆自心術生也。剛柔也。輕重也。大小

也。實虛也。遠近也。多少也。謂之計數。凡此十二事必計之以知其數也。

不明於則而欲出號令。明則然後可出號令。猶立朝

夕於運均之上。檐竿而欲定其末。均陶者之輪也立朝夕所以正

東西也。今鈞既運則東西不可準也。檐舉也。夫欲定末者必先靜其本。今既舉竿之本其末不定也。

不明於象而欲論材審用。猶絕長以為短。續短以

為長。鶴脰非所斷。鳧脰非所續也。不明於法而欲治民一眾。猶



註以用左手  
書右手不動  
也

左書而右息之

息止也。左手爲書，右手從而止之，則無時成書矣。

不明於

化而欲變俗易教，猶朝揉輪而夕欲乘車，不明於

決塞而欲毆衆移民，猶使水逆流，不明於心術而

欲行令於人，猶倍招而必拘之。

物有倍叛而招之者，必有以慰悅之。

令其感服，今反拘留之，則彼逾叛矣。

不明於計數而欲舉大事，猶無

舟楫而欲經於水險也。故曰：錯儀畫制，不知則不

可。論材審用，不知象不可。和民一衆，不知法不可。

變俗易教，不知化不可。毆衆移民，不知決塞不可。

布令必行，不知心術不可。舉事必成，不知計數不



可。

### 右七法

百匿傷上威。

百百官也言百官皆匿情為私則上威傷

姦吏傷官法。姦

民傷俗教。賊盜傷國衆。

盜賊之人常欲損敗於物也

威傷則重

在下。

君威傷則臣反得尊重

法傷則貨上流。教傷則從令者

不輯。衆傷則百姓不安其居。重在下。則令不行。貨

上流則官徒毀。

官者既不以德進但以貨成故官徒毀徒事也

從令者不

輯。則百事無功。百姓不安其居。則輕民處而重民

散。

輕民謂為盜者用盜致富故處重民謂務農者為盜破產故散

輕民處。重民散。



則地不辟。地不辟。則六畜不育。六畜不育。則國貧。

而用不足。國貧而用不足。則兵弱而士不厲。兵弱

而士不厲。厲奮也則戰不勝而守不固。戰不勝而守

不固。則國不安矣。故曰。常令不審。則百匿勝。官爵

不審。則姦吏勝。符籍不審。則姦民勝。刑法不審。則

盜賊勝。國之四經敗。人君泄見危。謂常令官爵符籍刑法四者為

政之經四者既敗則是君泄其事君泄其事則其位危矣人君泄。則言實之士

不進。言實之士不進。則國之情僞。不竭于上。下皆隱實

言虛則是國情不竭于上世主所貴者。實也。所親者。戚也。所愛



者民也。所重者爵祿也。亡君則不然。致所貴非實

也。致所親非戚也。致所愛非民也。致所重非爵祿

也。故不爲重寶虧其命。故曰。令貴於寶。重寶而全命則當弃

是令貴不爲愛親危其社稷。故曰。社稷戚於親。社稷

者身之存亡故不爲愛人枉其法。故曰。法愛於人。

法者崇替所由故不爲重祿爵分其威。故曰。威重

於爵祿。威者人君所以服海內必不不通此四者。

則反於無有。不達於四者用非其故曰。治人如治

水潦。治水潦者必峻其隄防也養人如養六畜。養六畜者必致其閑皂堅其羈



糾用人如用草木。用草木者時入山林輪轅不失其宜。樵蘇各得其所。居身

論道行理。則羣臣服教。百吏嚴斷。莫敢開私焉。若

於民其猶居身治之養之用之三者各論功計勞。各得宜。論道而行理則無私不服也。

未嘗失法律也。便辟左右大族尊貴大臣。不得增

其功焉。疏遠卑賤。隱不知之人。不忘其勞。故有罪

者不怨上。罪得其人。故不怨。愛賞者無貪心。賞不踰等。故

則列陳之士。皆輕其死而安難。以要上事。賞罰不濫。則立

功要功之士知其本兵之極也。為兵之本其極要者在於明賞罰也。

### 右四傷百匿



爲兵之數存乎聚財而財無敵。存謂專立意存之君無財士不來故

存意於聚財則彼國之財不能敵也存乎論工而工無敵。工者所以造軍之器

用者也存乎制器而器無敵。器謂兵器存乎選士而士無

敵。存乎政教而政教無敵。政教軍中號令存乎服習而服

習無敵。服便也謂便習武藝存乎徧知天下而徧知天下無

敵。徧知天下謂徧知其地形險易主將工拙士卒勇怯存乎明於機數而明

於機數無敵。機者發內而動外爲近而成遠不疾而速不行而至見其爲之不知其所

以爲有數存焉於其間故曰機數也故兵未出境而無敵者八。是以

欲正天下。財不蓋天下。不能正天下。財謂貨財不能蓋天下則



無以正天下也財蓋天下而工不蓋天下。不能正天下。工

蓋天下而器不蓋天下。不能正天下。財雖蓋天下而工與器不

能蓋則無以正天下餘皆倣此器蓋天下而士不蓋天下。不能正

天下。士蓋天下而教不蓋天下。不能正天下。教蓋

天下而習不蓋天下。不能正天下。習蓋天下而不

徧知天下。不能正天下。徧知天下而不明於機數。

不能正天下。故明於機數者用兵之勢也。大者時

也。小者計也。王者征伐能立大功者在於合天時也至小者捷勝亦在人計謀也王

道非廢也。而天下莫敢窺者。王者之正也。大寶之位神器



也。古今所共傳，非有暫廢而天下莫敢窺。衡庫者，  
齋者以王者當樂推之運應，天人之正。

天子之禮也。

衡者所以平輕重，庫者所以藏寶物。不令外知者也。言王者用心常當準。

平天下既知輕重，審用於心，無令長耳目者所得此，則天子之禮然也。是故器成卒

選，則士知勝矣。

選謂簡其精練。

徧知天下，審御機數，則獨

行而無敵矣。所愛之國而獨利之，所惡之國而獨

害之，則令行禁止，是以聖王貴之。

貴謂貴兵。

勝一而服

百，則天下畏之矣。立少而觀多，則天下懷之矣。

立少。

謂興亡國雖少，天下共觀之，故曰觀多。桓公救邢，遷衛，用此術也。或曰：觀當為勸。

罰有罪。

賞有功，則天下從之矣。故聚天下之精財，論百工



之銳器。春秋角試。以練精銳為右。右上也成器不課

不用。不試不藏。

兵器雖成未經課試則不用不藏

收天下之豪傑。

有天下之駿雄。故舉之如飛鳥。動之如雷電。發之如風雨。莫當其前。莫害其後。獨出獨入。莫敢禁圉。成功立事。必順於禮義。故不禮不勝天下。不義不勝人。故賢知之君。必立於勝地。故正天下而莫之敢御也。

### 右為兵之數

若夫曲制時舉。不失天時。

制雖委曲順天而舉不失天時也

毋墮



地利其數多少其要必出於計數

壙空也天之所覆空地謂山河

陂澤所以營作而興利者也必計數其多少之要然後度材而用之

故凡攻伐之爲

道也計必先定于內然後兵出乎境計未定於內

而兵出乎境是則戰之自勝攻之自毀也

自勝謂自勝於

已其敗可知也

是故張軍而不能戰圍邑而不能攻得地

而不能實三者見一焉則可破毀也故不明于敵

人之政不能加也

不明敵故未可加兵

不明于敵人之情不

可約也

不明敵情未可約士約誓

不明于敵人之將不先軍也

不明于敵人之士不先陣也是故以衆擊寡以治



擊亂以富擊貧以能擊不能以教卒練士擊毆衆

白徒

白徒謂不練之卒無武藝

故十戰十勝百戰百勝故事無

備兵無主則不蚤知

既無備無主故敵來攻不能先知之

野不辟地

無吏則無蓄積官無常下怨上而器械不功

功謂堅利

朝無政則賞罰不明賞罰不明則民幸生

僥倖以偷生也

故蚤知敵人如獨行

蚤知敵人則有以備之敵人望風自退故曰獨行也

有

蓄積則久而不匱器械功則伐而不費賞罰明則

人不幸人不幸則勇士勸之故兵也者審於地圖

謀十官

地圖謂敵國險易之形軍之部置十官必伍什則有長故曰十官又須謀得其人也



日量蓄積。齊勇士。徧知天下。審御機數。兵主之事。

也。故有風雨之行。故能不遠道里矣。行疾如風雨。故不以道里。

爲有飛鳥之舉。故能不險山河矣。輕捷如飛鳥。故不以山河爲險。

有雷電之戰。故能獨行而無敵矣。雷電天之威怒。故莫敢爲敵。

有水旱之功。故能攻國救邑。謂其功可以爲彼水旱。有金城

之守。故能定宗廟。育男女矣。有一體之治。故能出

號令。明憲法矣。謂上下同心。其猶一體。風雨之行者。速也。飛

鳥之舉者。輕也。雷電之戰者。士不齊也。懼雷電之威。故彼士。

不水旱之功者。野不收。耕不穫也。能令彼有水旱。故不得使收穫。



也。金城之守者。用貨財。設耳目也。貨財所以養敢死之士耳目所

以聽鄰國之動靜令必知之一體之治者。去奇說。禁雕俗也。奇說

謂譎誑之言雕俗謂浮偽之俗不遠道里。故能威絕域之民。不險

山河。故能服恃固之國。獨行無敵。故令行而禁止。

故攻國救邑。不恃權與之國。故所指必聽。雖有權與之國

不顧而恃之權與謂權為親與也定宗廟。育男女。天下莫之能傷。

然後可以有國。制儀法。出號令。莫不嚮應。然後可

以治民一衆矣。

### 右選陳



按此當依後  
版法解自明

版法第七

選擇政要載之  
於版以為常法

經言七

凡將立事

立經國之事

正彼天植

謂順天道以種  
植必令得其正

風雨

無違

君道不虧則  
風雨無違也

遠近高下各得其嗣

高下猶多  
少也謂君

之賦稅因其遠近之別以多少之差  
輕重合宜故可嗣之以常行嗣續也

三經既飭君

乃有國

三經謂上天植風雨高下也是三  
者既以飭整故君可以有國也

喜無以

賞怒無以殺喜以賞怒以殺怨乃起令乃廢驟令

不行民心乃外

有外叛  
之心也

外之有徒禍乃始牙

徒謂  
黨與

也外叛者有黨與禍  
由是生故曰始牙

眾之所忿置不能圖

眾忿難  
犯故必

按當依解作  
黨與能圖



置之誰舉所美必觀其所終凡人之情靡不有初能圖之

廢所惡必計其所窮蜂蠆有毒故必計其所窮知困獸猶鬪其所終將何為也

慶勉敦敬以顯之人有敦敬則慶勉以顯之也富祿有功以勸

之人之有功則富貴以勸之爵貴有名以休之賢者有名則爵貴以休之兼

愛無遺是謂君心必先順教萬民鄉風上之敦敬有功名之

士必爵祿順而與之所以教之旦暮利之眾乃勝

任有功名之士既旦暮得利眾自厲而勝任取人以已成事以質將欲取人

必先審已才略能用彼不質謂準的將欲成事必先立其準的事不違質然後為善審用財

慎施報察稱量故用財不可以嗇用力不可以苦



用財嗇則費

嗇於用財不以賞賜則立功之士用  
懈怠敵人來侵其費更多嗇悵

力苦則勞民不足令乃辱

民不足則令  
不行故辱也

民苦殃令

不行施報不得禍乃始昌禍昌不寤民乃自圖

謀為

已叛正法直度罪殺不赦

夫正直之法度罪  
殺有過終不免赦

殺僂必

信民畏而懼武威既明令不再行頓卒怠倦以辱

之

頓卒猶困苦其有怠  
倦不勤則困苦以辱

罰罪宥過以懲之殺僂犯

禁以振之植固不動倚邪乃恐

言執法者必當深  
植而固守則不可

動移若乃頓倚而邪則  
法亂而身危故可恐也

倚革邪化令往民移

既能  
正倚

化邪歸於正直如此  
化出令纔往則民移

法天合德

天之資始  
無有私德

象法無



按當作悅衆  
在愛施有衆  
在廢私有字  
屬下為是上  
句有脫字

親地之資生參於日月日月無私耀也佐於四時賞以春

秋冬悅在施有將悅於下在衆在廢私將欲齊衆召

遠在修近修近則閉禍在除怨除怨則修長在乎

任賢任賢則高安在乎同利與下同利

國祚長

則高位安



管子卷第二終



管子卷第三

唐司空房 玄齡 註

幼官第八 幼官圖第九 五輔第十

幼官第八 幼始也陳從始輔官齊政之法

經言八

若因夜虛守靜人物。人物則皇。言欲候氣聽聲以知凶吉必因夜虛

之時守其安靜以聽候人物此時五和時節。土生

人物則皇暇故吉凶之驗不妄君服黃色。味甘味。聽宮聲。此土王

服黃味甘聽宮也然土雖均治和氣。土主和故用

後中圖作處虛守靜淮南子有夜行高誘註諭陰行也陰行化故有天下則夜字為是人物字疑衍物事皇去也言人君態處虛守靜則發之人事盛大也



按行對藏而言謂行於身也下放此

按當理字為句

五數飲於黃后之井中央井也以倮獸之火爨倮獸謂淺毛之

獸虎豹藏溫濡藏謂包之在心君之所藏行毆養

謂禽獸之屬能為苗害者坦氣修通坦平也平土

時毆逐之所以養嘉穀也

通凡物開靜形生理常至命凡土王之時所生之物但開通安靜則其

形自生既循理之常則尊賢授德則帝帝者之臣其實師也

無殘盡於所賦之命也

故尊賢授德身仁行義服忠用信則王行服審謀章

則可為帝也

禮選士利械則霸章明定生處死謹賢修伍則衆生

安定之死者處

信賞審罰爵材祿能則強有材者

置之歛葬其樞

能者計凡付終務本飭末則富凡謂都數也付終

祿之謂財日月既終付



按後作致之以言

之後明法審數立常備能則治。常謂五常也。備能謂才能之士備有。

同異分官則安。同異之職分官而治。通之以道畜之以惠。

親之以仁養之以義報之以德結之以信接之以

禮和之以樂期之以事攻之以官。攻治。發之以力威

之以誠一舉而上下得終。謂初會諸侯上下得終其禮自此至九舉說九

合諸侯再舉而民無不從三舉而地辟散成。成謂諸侯

自盟要不事於齊至三會四舉而農佚粟十。四會則諸侯散其成而朝齊。

五舉而務輕金九。五會之後兵戰既息事務

轉輕而金得九六舉而絜知事變。絜圍度也胡結反。七舉



而外內爲用。外謂諸侯八舉而勝行威立。九舉而帝事

成形。九會之後威行海內雖居侯伯帝王之事既以成形九本搏大人主之

守也。自九本已下管氏但舉其目或有數在於他篇但此書多從散逸無得而知然九本所以

搏擊强大故人主守之八分有職。卿相之守也。十官飾勝備

威。將軍之守也。六紀審密。賢人之守也。五紀不解。

庶人之守也。動而無不從。靜而無不同。強動弱必從強靜弱

必同治亂之本三。卑尊之交四。富貧之終五。盛衰之

紀六。安危之機七。強弱之應八。存亡之數九。練之

以散羣。備署。備猶曹也凡上之諸數既已精練然後散之於衆使備曹署著其名以司



圖廟堂圖也  
即月令居太  
廟太室類

之  
**凡數財署**

數謂國用之數使財者署

**殺僂以聚財**

或因亡國或因滅家

莫不藉沒其財故曰殺僂以聚財也

**勸勉以選衆使二分具本**

使上之備

署財署分知其事各具其名籍之本則財署知聚財備署知選衆

**發善必審於密**

**執威必明於中**

發善謂行賞執威謂行刑

**此居圖方中**

此立時之政管

氏別五其圖謂之方圖而土位居中

**春行冬政肅**

肅寒也冬氣乘之故也

**行秋**

**政雷**

春陽秋陰陰乘陽故雷

**行夏政闔**

春既陽夏又陽陽氣猥并故掩閉也**十**

**二地氣發戒春事**

自此以下陰陽之數日辰之名于時國異政家殊俗此但齊獨

行不及天下且經秦焚書或爲煨燼無得而詳焉闕之以待能者

**十二小卯出耕**

**十二天氣下賜與十二義氣至修門閭十二清明**



發禁。十二始卯。合男女。十二中卯。十二下卯。三卯。

同事。

謂三卯所用事同他皆倣此

八舉時節。

木成數八木氣舉君則順時節布政

君服青色。味酸。味聽角聲。此木王之時故治燥氣。

春多風而旱故治燥氣

用八數。

八亦木成數也

飲於青后之井。

東方井

以羽獸之火。爨。

羽獸南方朱鳥用南方之火故曰羽獸之火

藏不忍行。

毆養。坦氣修通。凡物開靜。形生理。合內空。周外。

春主

仁故所藏者不忍之理合聚於內出空於外

強國為圈。弱國為屬。

強國所以

禁禦弱國弱國圈然也

動而無不從。靜而無不同。

強動弱必從強靜弱

必舉發以禮。時禮必得。

強國舉發必當以禮時也禮也必得其宜

和好。



不基。貴賤無司。事變日至。鄰國和好。不基貴賤之位。無司存。如此則事變。

日至無寧。居基漸。此居於圖東方方外。夏行春政風。春箕宿多。

風行冬政落。寒氣肅殺。故凋落也。重則雨雹。其災重則雨。雹水寒所致。行

秋政水。秋畢宿多霖雨。十二小郢至德。十二絕氣下下爵

賞。十二中郢賜與。十二中絕收聚。十二大暑至盡

善。十二中暑。十二大暑終。三暑同事。七舉時節。火成。

數七火氣舉。君則順時節而布政。君服赤色。味苦味。此火王之時。故服赤味苦。

也。聽羽聲。羽北方聲也。火王之時不聽。治陽氣用

七數。七亦火之成數。飲於赤后之井。南方井也。以毛獸之火爨。



毛獸西方白虎用西方之火故曰毛獸之火藏薄純盛陽之性失在奢縱故所藏者省薄

純素也行篤厚陽性寬和故行篤厚坦氣修通凡物開靜形生

理物形既生自然修理而長育也定府官明名分而審責於羣臣

有司則下不乘上賤不乘貴法立數得而無比周

之民則上尊而下卑遠近不乖此居於圖南方方

外秋行夏正葉盛陽氣乘之故卉木生葉行秋政華少陽氣乘之故卉木

更生華行冬政耗盛陰肅殺故虛耗也十二期風至戒秋事十

二小卯薄百爵十二白露下收聚十二復理賜與

十二始節賦事十二始卯合男女十二中卯十二



周當係後作

下卯三卯同事九和時節金成數九金氣和君君

服白色味辛味聽商聲此金王之時故治濕氣秋多

霖雨水用九數九亦金飲於白后之井西方以介

蟲之火囊介蟲北方玄武用北方藏恭敬金性廉

藏者恭行搏銳兌金性勁銳時方肅殺故曰坦氣

修通凡物開靜形生理間男女之畜男女之畜有

須間修鄉間之什伍殺氣方至可以出量委積之

多寡定府官之計數養老弱而勿通老少異糧故

信利周而無私申布秋利既令此居於圖西方方



外。冬行秋政。霧。秋多陰霧行夏政。雷。盛陽乘盛陰故雷也行春政。

沕泄。少陽乘陰故沕泄也十二始寒。盡刑。十二小榆。賜予。十

二中寒。收聚。十二中榆。大收。十二寒至。靜。十二大

寒之陰。十二大寒終。三寒同事。六行時節。水成數六水氣

行君則順時節而布政也君服黑色。味鹹。味。此水王之時故服黑味鹹聽徵

聲。不聽羽而聽徵者亦所以抑盛陰也治陰氣。不治則盛陰太過則治陰氣也用

六數。六亦水之成數飲於黑后之井。北方井也以鱗獸之火。裹。

鱗獸東方青龍也用東方之火故曰鱗獸之火藏慈厚。君人者好生惡殺故於刑殺之時藏

於慈厚所以示其不忍也行薄純。冬物朴素故行省薄純儉坦氣修通。凡物



開靜形生理。器成於僂。

冬行刑之時故成僂器也。

教行於鈔。

鈔未

也冬為四時之末歲之將終也。

動靜不記。行止無量。

記動靜則行止可量。戒

審四時以別息。

息生也四時生物各有不同故須別之。

異出入以兩

易。

出入既異又並令無差故曰兩易也。

明養生以解固。

固謂護恡也生既須養恡則

物不可恡故曰解固。

審取予以總之。

又恐所養過時故審取與之多少以總統之。

一會諸侯令曰。非玄帝之命。毋有一日之師役。

玄帝

北方之帝齊桓初會命諸侯不使非時出師故令曰若非玄帝有命之時毋得有一日之師役一日

尚不可

再會諸侯令曰。養孤老。食常疾。收孤寡。三

會諸侯令曰。田租百取五。

百分取五分。

市賦百取二。關



賦百取一。毋乏耕織之器。四會諸侯令曰。修道路。

偕度量。一稱數。偕同也。稱斤兩也。數多少也。藪澤以時禁發之。

草木零落然後入山林。獾祭魚然後修澤梁也。五會諸侯令曰。修春秋冬

夏之常祭食。常所祭常所食。各有時物也。天壤山川之故祀必

以時。六會諸侯令曰。以爾壤生。物。其玄官。禮天之

官也。請四輔。四輔即三公四輔也。所以助祭行禮。將以禮上帝。七會諸

侯令曰。官處四體而無禮者。流之焉。莠命。官處謂處官也。

處官位而四體無禮者謂之莠命而流放焉。莠命者謂穢亂敎命若莠之穢苗也。八會諸

侯令曰。立四義而毋議者。尚之于玄官。聽于三公。



按謂大命諸侯出常來朝會之命即下文是

四義者謂無障谷無貯粟無易樹子無以妾為妻諸侯能順命而無異議者則尚之于天子玄官聽三公之錫命尚上也

所有為幣

為幣禮

九會大命焉出常至

謂上九會既出大令故天

下諸侯常至非此之外則朝聘之數遠近各有差也

千里之外二千里之內

諸侯三年而朝習命

因朝而習教命

二年三卿使四輔

諸侯

三卿使天子四輔以受節制也

一年正月朔日令大夫來修受命

三公

習所受命於三公

二千里之外三千里之內諸侯五

年而會至習命

因會而至以習命也

三年名卿請事二年大

夫通吉凶十年重適入正禮義

重適謂承重也適諸侯之世子也



五年大夫請受變請所變更之教令也三千里之外諸侯世

一至道路既遠故世一至置大夫以為廷安其遠國大夫則為置廷館每來

於此以安之也入共受命焉入共國所有此居於圖北方

方外必得文威武官習勝之善勝敵者必得文德之威武藝之官與之

練習士卒則可以勝之務時因勝之時是也務是因修不終逆於理可以得勝也

無方勝之從始至終計出無方者勝幾行義勝之庶幾行義者可以勝理

名實勝之整理名實不謬妄可以得勝急時分勝之敗敵所得之物應受

分者急分與之可以得勝事察伐勝之伐功行賞之事必察有功不令無功者妄受可

以得勝行備具勝之行師用兵必備其攻戰之具可以得勝原無象勝



之

奇計若神無象可原者勝

本定獨威勝

用師之本定能獨威者勝

定計財

勝

計謀財用先審定者勝

定聞知勝

聞知敵謀能審定者勝

定選士勝

精選士卒能審定者勝

定制祿勝

制祿亦與有功能審定者勝也

定方用勝

異方所用各有不同能審定者勝也

定綸理勝

經綸之理能審定者勝也

定死生

勝定成敗勝定依奇勝

所依奇策能審定者勝

定實虛勝定

盛衰勝舉機誠要則敵不量

發舉兵機誠得其用要則敵不能量也

利至誠則敵不校

用兵便利又能至誠則敵不敢校也

明名章實則

士死節

明忠義之名章功勞之實士則死節不求苟生

奇舉發不意則士

歡用

奇謀之舉發彼不意則士樂為用

交物因方則械器備

交質之物



按別本註立  
謀能有實效  
不使衰故也

因方之有則器械備具也因能利備則求必得而因彼所能所利

得求必執務明本則士不偷執所營之務明所為備

具無常無方應也其所備具無有常聽於鈔故能

聞未極鈔深遠也所聽在於極理視於新故能見未形

未形者新事將起所視思於濬故能知未始未始者事

之深浚者所思發於驚故能至無量發舉可驚故

動於昌故能得其寶舉動昌盛故敵立於謀故能

實不可故也其所建立皆用深謀器成教守則不

遠道里器用完成教令堅守故欲號審教施則不



險山河

號今審悉敎命施行則赴湯火而不顧豈險難於山河也

博一純固則

獨行而無敵

德博而一行純而固則仰我如時雨歡我如椒蘭誰能敵之

慎號

審章則其攻不待

慎號今審旗章則攻者爭先登豈顧後而相待乎

權與

明必勝則慈者勇

權謀明略必能勝敵則慈仁者猶致勇奮况惡少哉

器無

方則愚者智

器用無方應卒必備則愚者習而成智况不愚乎

攻不守則

拙者巧

我攻既妙彼不能守則拙者習而成巧况不拙乎

數也動慎十號

兵既數動必慎十號九章等此有數在

明審九章飾習十器善習

五官謹修三官必設常主計必先定

軍之主將既必有常軍之

計謀亦須先定

求天下之精材

精材可以為軍之器用者

論百工之銳



按鉄錯械人  
足也恐當作  
轄鉄

器。器成角試否臧。收天下之豪傑。有天下之稱材。

稱材謂材稱其所用也

說行若風雨。發如雷電。此居於圖方

中。

此中圖之副也

旗物尚青。

木用事

兵尚矛。

象春物

刑則

交寒害鉄。

其行刑戮則於初旦夜盡之交其時尚寒主春人不得已而行刑故離害而鉄

禁鉄或爲鉄

器成不守。

器用既成則敵不能圍守也

經不知。

經法也

法敵不能知也

教習不著。

我之教習敵不能著著猶明著

發不意。

其所舉發出敵

不經不知。故莫之能圍。發不意。故莫之能應。莫之

能應。故全勝而無害。莫之能害。故必勝而無敵。四

機不明。不過九日而游兵驚軍。

四機即上不守不知不著不意也



障塞不審。不過八日而外賊得聞。

障塞者所以由防守要路也。

守不慎。不過七日而內有讒謀。

由守所由防守者。詭禁不

修。不過六日而竊盜者起。

詭禁所以禁詭常也。

死亡不食。不

過四日而軍財在敵。

死亡者不享食鬼神必怨怒故軍財在敵。

此居於

圖東方方外。

此東圖之副也。

旗物尚赤。

火用事故尚赤。

兵尚戟。夏象

物之森聳

刑則燒交疆郊。

其用刑則於疆郊焚燒而交也。

必明其一。

謂一

號今

不二。必明其將。必明其政。必明其士。四者備則以

治擊亂。以成擊敗。數戰則士疲。數勝則君驕。驕君

使疲民則國危。至善不戰。

用兵之善者其唯不戰乎。

其次一之。



其次善者雖戰而號令一。大勝者積衆。積衆然後勝無非義者

焉。可以爲大勝。所以勝皆大義大勝無不勝也。此

居於圖南方方外。此南圖之副也旗物尚白。金用事兵尚

劔。象金性之利也刑則紹昧斷絕。其用刑則繼晝之始乎

無端。卒乎無窮。始乎無端。道也。卒乎無窮。德也。道

不可量。德不可數。不可量。則衆強不能圖。不可數。

則爲詐不敢鄉。兩者備施。兩者謂道德也動靜有功。畜之

以道。養之以德。畜之以道。則民和。養之以德。則民

合。和合故能習。習故能偕。偕謂同爲其事偕習以悉。悉盡也

按兵法作和合故能諧故能釋者釋以



悉其之能傷  
習武之設

莫之能傷也。此居於圖西方方外。

此西圖之副也

旗物尚

黑。

水用事故尚黑

兵尚脅盾。

象時物之閉盾或署之於脅故曰脅盾

刑則游

仰灌流。

其用刑則游縱之所使仰藥死而既乃投之於灌流

察數而知治。審

器而識勝。明謀而適勝。通德而天下定。定宗廟育

男女。

宗廟存則男女育也

官四分。則可以立威行德。制法儀。

出號令。

擇才授官四面分設

至善之爲兵也。非地是求也。罰

人是君也。

至善之兵不求其地所以君可罰人若紂桀之人比屋可誅也

立義而

加之以勝。至威而實之以德。守之而後修。勝心焚

海內。

既獲敵人之國順而守之然後修其法制如此則強勝之心可以焚灼於海內

民之



所利立之所害除之則民人從

立利除害則人從也

立為六

千里之侯則大人從

既九會之後天子加命立為侯伯面各三千里四方相距

六千里大人謂天子三公四輔也

使國君得其治則人君從會

國君

謂天下同盟諸侯

請命於天地知氣和則生物從

謂郊祀天地神

祗使之合德則四氣和可知故生物從之

計緩急之事則危危而無難

緩急之事皆已計定則二者之危無所難緩急之事皆有可危之理故曰危危

明於器械

之利則涉難而不變察於先後之理則兵出而不

困通於出入之度則深入而不危審於動靜之務

則功得而無害著於取與之分則得地而不執

謂不

按別本註緩急之事已有定計雖危其可危終無所難也



執愜慎於號令之官。則舉事而有功。此居於圖北方

方外。此北圖之副也

幼官圖第九 中方本圖 中方副圖 東方本圖 東方副圖 南方本圖 南方副圖

西方本圖 西方副圖 北方本圖 北方副圖

經言九

若因處虛守靜。人物則皇。五和時節。君服黃色。味甘味。聽宮聲。治和氣。用五數。飲於黃后之井。以俶獸之火。爨藏溫濡。行毆養。坦氣修通。凡物開靜。形生。理常至命。尊賢授德。則帝。身仁行義。服忠用信。



則王。審謀章禮。選士利械。則霸。定生處死。謹賢修  
伍。則衆。信賞審罰。爵材祿能。則強。計凡付終。務本  
飾末。則富。明法審數。立常備能。則治。同異分官。則  
安。通之以道。畜之以惠。親之以仁。養之以義。報之  
以德。結之以信。接之以禮。和之以樂。期之以事。攻  
之以言。發之以力。威之以誠。一舉而上下得終。再  
舉而民無不從。三舉而地辟散成。四舉而農佚粟  
十。五舉而務輕金九。六舉而絜知事變。七舉而內  
外爲用。八舉而勝行威立。九舉而帝事成形。九本



搏大。人主之守也。八分有職。卿相之守也。十官飾  
勝。備威。將軍之守也。六紀審密。賢人之守也。五紀  
不解。庶人之守也。動而無不從。靜而無不同。治亂  
之本三。卑尊之交四。富貧之終五。盛衰之紀六。安  
危之機七。強弱之應八。存亡之數九。練之以散羣  
備。署。凡數財。署。殺僂以聚財。勸勉以遷衆。使二分  
具本。發善必審於密。執威必明於中。此居圖方中。

右中方本圖

必得文威武官習勝之。務時因勝之。終無方勝之。



幾行義勝之。理名實勝之。急時分勝之。事察伐勝之。行備具勝之。原無象勝之。本定獨威勝。定計財勝。定知聞勝。定選士勝。定制祿勝。定方用勝。定綸理勝。定死生勝。定成敗勝。定依奇勝。定實虛勝。定盛衰勝。舉機誠要。則敵不量。用利至誠。則敵不校。明名章實。則士死節。奇舉發不意。則士歡用。交物因方。則械器備。因能利備。則求必得。執務明本。則士不偷。備具無常。無方應也。聽於鈔。故能聞無極。視於新。故能見未形。思於濬。故能知未始。發於驚。



故能至無量。動於昌。故能得其寶。立於謀。故能實。不可故也。器成教守。則不遠道里。號審教施。則不險山河。博一純固。則獨行而無敵。慎號審章。則其攻不待。權與明必勝。則慈者勇。器無方。則愚者智。攻不守。則拙者巧。數也動。慎十號。明審九章。飾習十器。善習五官。謹修三官。必設常主。計必先定。求天下之精材。論百工之銳器。器成。角試否臧。收天下之豪傑。有天下之稱材。說行若風雨。發如雷電。此居於圖方中。



右中方副圖

春行冬政肅。行秋政雷。行夏政則闔。十二地氣發。  
戒春事。十二小卯出耕。十二天氣下賜與。十二義  
氣至。修門閭。十二清明發禁。十二始卯。合男女。十  
二中卯。十二下卯。三卯同事。八舉時節。君服青色。  
味酸味。聽角聲。治燥氣。用八數。飲於青后之井。以  
羽獸之火爨。藏不忍。行毆養。坦氣修通。凡物開靜  
形生理。合內空周外。強國爲圉。弱國爲屬。動而無  
不從。靜而無不同。舉發以禮。時禮必得。和好不基。



貴賤無司。事變日至。此居於圖東方方外。

右東方本圖

旗物尚青。兵尚矛。刑則交寒害鉞。器成不守。經不知。教習不著。發不意。經不知。故莫之能圍。發不意。故莫之能應。莫之能應。故全勝而無害。莫之能圍。故必勝而無敵。四機不明。不過九日而游兵驚軍。障塞不審。不過八日而外賊得間。由守不慎。不過七日而內有讒謀。詭禁不修。不過六日而竊盜者起。死亡不食。不過四日而軍財在敵。此居於圖東。

方方外。

右東方副圖

夏行春政。風行冬政。落重則雨。電行秋政。水十二  
小郢至德。十二絕氣。下下爵賞。十二中郢。賜與十  
二中。絕收聚。十二大暑至盡善。十二中暑。十二小  
暑終。三暑同事。七舉時節。君服赤色。味苦味。聽羽  
聲。治陽氣。用七數。飲於赤后之井。以毛獸之火。爨  
藏薄純。行篤厚。坦氣修通。凡物開靜。形生理。定府  
官。明名分。而審責於羣臣。有司。則下不乘上。賤不



乘貴。法立數得而無比。周之民則上尊而下卑。遠近不乖。此居於圖南方方外。

右南方本圖

旗物尚赤。兵尚戟。刑則燒。交疆郊。必明其一。必明其將。必明其政。必明其士。四者備。則以治擊亂。以成擊敗。數戰則士疲。數勝則君驕。驕君使疲民。則危國。至善不戰。其次一之。大勝者。積衆勝而無非義者焉。可以爲大勝。大勝無不勝也。此居於圖南方方外。

右南方副圖

按上無前第  
二字

秋行夏政。葉行春政。華行冬政。耗十二期。風至戒  
秋事。十二小卯。薄百爵。十二白露。下收聚。十二復  
理。賜予。十二始前節。第賦事。十二始卯。合男女。十  
二中卯。十二下卯。三卯同事。九和時節。君服白色。  
味辛味。聽商聲。治濕氣。用九數。飲於白后之井。以  
介蟲之火。襲藏恭敬。行搏銳。坦氣修通。凡物開靜。  
形生理。間男女之畜。修鄉里之什伍。量委積之多  
寡。定府官之計數。養老弱而勿通。信利害而無私。



此居於圖西方方外。

右西方本圖

旗物尚白。兵尚劒。刑則紹昧斷絕。始乎無端。卒乎無窮。始乎無端。道也。卒乎無窮。德也。道不可量。德不可數。不可量。則衆強不能圖。不可數。則爲詐不敢。鄉兩者備施。動靜有功。畜之以道。養之以德。畜之以道。則民和。養之以德。則民合。和合故能習。習故能偕。偕習以悉。莫之能傷也。此居於圖西方方外。

右西方副圖

冬行秋政。霧行夏政。雷行春政。烝泄。十二始寒。盡  
刑。十二小榆。賜予。十二中寒。收聚。十二中榆。大收。  
十二寒至。靜。十二大寒之陰。十二大寒終。三寒同  
事。六行時節。君服黑色。味鹹。味。聽徵聲。治陰氣。用  
六數。飲於黑后之井。以鱗獸之火。爨藏慈厚。行薄  
純。坦氣修通。凡物開靜。形生理。器成於僂。教行於  
鈔。動靜不記。行止無量。戒。審四時以別息。異出入  
以兩易。明養生以解固。審取與以總之。一會諸侯。



令曰。非玄帝之命。毋有一日之師役。再會諸侯。令曰。養孤老。食常疾。收孤寡。三會諸侯。令曰。田租百取五。市賦百取二。關賦百取一。毋乏耕織之器。四會諸侯。令曰。修道路。偕度量。一稱數。毋征數澤。以時禁發之。五會諸侯。令曰。修春夏秋冬夏之常祭。食天壤山川之故祀。必以時。六會諸侯。令曰。以爾壤生物。共玄官。請四輔。將以祀上帝。七會諸侯。令曰。官處四體而無禮者。流之焉。莠命。八會諸侯。令曰。立四義而無議者。尚之于玄官。聽於三公。九會諸

侯令曰。以爾封內之財物。國之所有爲幣。九會大令焉。出常至千里之外。二千里之內。諸侯三年而朝。習命。二年三卿使四輔。一年正月朔日。令大夫來修。受命三公。二千里之外。三千里之內。諸侯五年而會。至習命。三年名卿請事。二年大夫通吉凶。七年重適入。正禮義。五年大夫請變。三千里之外。諸侯世一至。置大夫以爲延安。入共受命焉。此居於圖北方方外。

右北方本圖



旗物尚黑。兵尚脅盾。刑則游仰灌流。察數而知治。審器而識勝。明謀而適勝。通德而天下定。定宗廟育男女。官四分則可以立威行德。制法儀。出號令。至善之爲兵也。非地是求也。罰人是君也。立義而加之以勝。至威而實之以德。守之而後修。勝心焚海內。民之所利立之。所害除之。則民人從。立爲六千里之侯。則大人從。使國君得其治。則人君從。會請命於天地。知氣和則生物從。計緩急之事。則危危而無難。明於器械之利。則涉難而不變。察於先

後之理。則兵出而不困。通於出入之度。則深入而不危。審於動靜之務。則功得而無害也。著於取與之分。則得地而不執。慎於號令之官。則舉事而有功。此居於圖北方方外。

右北方副圖

五輔第十

謂六興七體八經五務三度此五者可以輔弼國政也

外言一

古之聖王。所以取明名廣譽。厚功大業。顯於天下。不忘於後世。非得人者。未之嘗聞。

不得於人而能使名譽顯當時



功業流後世者則未嘗聞暴王之所以失國家危社稷覆宗廟

滅於天下非失人者未之嘗聞不失於人而能使失國覆宗者亦未

嘗聞今有土之君皆處欲安動欲威戰欲勝守欲固

大者欲王天下小者欲霸諸侯言諸侯欲大利則王天下欲小利則

霸諸侯也而不務得人是以小者兵挫而地削大者身

死而國亡既不務得人故必致禍小則地削大則國亡故曰人不可不

務也當務得之於人此天下之極也曰然則得人之道莫

如利之利之道莫如教之以政故善為政者田

疇墾而國邑實朝廷閒而官府治公法行而私曲

止。倉廩實而囷圀空。賢人進而姦民退。其君子上

中正而下諂諛。其士民貴武勇而賤得利。賤苟得之利也

其庶人好耕農而惡飲食。惡費用之飲食於是財用足。好耕

農故財用足而飲食薪菜饒。省費用則薪菜饒是故上必寬裕

而有解舍。解放也舍免也下必聽從而不疾怨。上下和同

而有禮義。故處安而動威。戰勝而守固。是以一戰

而正諸侯。不能為政者。田疇荒而國邑虛。朝廷兇

小人競進故兇而官府亂。小人用法故亂公法廢而私曲行。倉廩

虛而囷圀實。賢人退而姦民進。其君子上諂諛而



按苟字乃苛  
字之誤

下中正。其士民貴得利而賤武勇。其庶人好飲食

而惡耕農。於是財用匱而食飲薪菜乏。上彌殘苟。

居上位者小人而無解舍。下愈覆驚而不聽從。覆察

也驚疑也。上既賊苟而不舍。故下伺察而懷疑。驚勅吏反。上下交引而不和同。

上引下以供御。下引上以恩。覆二俱不得。故不和同也。故處不安而動不威。

戰不勝而守不固。是以小者兵挫而地削。大者身

死而國亡。故以此觀之。則政不可不慎也。德有六

興。義有七體。禮有八經。法有五務。權有三度。所謂

六興者何。曰。辟田疇。利壇宅。壇堂基修樹藝。勸士民。

伏利謂人所未發之利也

按列子水之溢洄曰潘

勉稼穡修牆屋此謂厚其生上六者可以厚養其生也發伏利

利人之事積久隱伏者發而用之輸帶積帶貯積也修道途便關市謂所

置關市皆令要便也慎將宿將送貨財必慎止宿此謂輸之以財上五者皆

生財之術故曰輸財所以納財於民導水潦利陂溝決潘渚潘渚溢也

者疏決之令通潘音翻潰泥滯泥塗為滯者亦潰決之令通也通鬱閉鬱閉亦謂

川潰有遏塞者慎津梁此謂遺之以利上之六者所以遺利於民薄徵

歛輕征賦弛刑罰赦罪戾宥小過此謂寬其政上之

五者所以寬裕其政養長老慈幼孤恤鰥寡問疾病弔禍喪

此謂匡其急上之五者所以救民之急衣凍寒食飢渴匡貧窶



賑罷露。

疾憊裸露者有以振救之

資乏絕。此謂賑其窮。

上之五者所以

賑民之窮乏

凡此六者。德之興也。六者既布。則民之所

欲。無不得矣。夫民必得其所欲。然後聽上。聽上。然

後政可善為也。故曰。德不可不興也。曰。民知德矣。

而未知義。然後明行以導之義。

行即七義

義有七體。七

體者何。曰。孝悌慈惠以養親戚。恭敬忠信以事君

上。中正比宜以行禮節。

比合也行既中正而又合宜也

整齊搏誦

以辟刑僇。

搏節也言自節而卑屈也

織嗇省用以備飢饉。

織細也嗇

恡也既細又恡故財用省也

敦蒙純固以備禍亂。

蒙厚也音莫江反

和

協輯睦以備寇戎。凡此七者。義之體也。夫民必知義。然後中正。中正然後和調。和調乃能處安。處安然後動威。動威乃可以戰勝而守固。故曰。義不可不行也。曰。民知義矣。而未知禮。然後飾八經以導之。禮所謂八經者何。曰。上下有義。貴賤有分。長幼有等。貧富有度。凡此八者。禮之經也。故上下無義。則亂。貴賤無分。則爭。長幼無等。則倍。倍乖戾也貧富無度。則失。失其節制上下亂。貴賤爭。長幼倍。貧富失。而國不亂者。未之嘗聞也。是故。聖王飭此八禮以導其



民八者各得其義。則爲人君者。中正而無私。爲人臣者。忠信而不黨。爲人父者。慈惠以教。爲人子者。孝悌以肅。爲人兄者。寬裕以誨。爲人弟者。比順以敬。比和爲人夫者。敦懷以固。爲人妻者。勸勉以貞。夫然。則下不倍上。臣不殺君。賤不踰貴。少不陵長。遠不間親。新不間舊。小不加大。淫不破義。凡此八者。禮之經也。夫人必知禮。然後恭敬。恭敬。然後尊讓。尊讓。然後少長貴賤。不相踰越。少長貴賤。不相踰越。故亂不生而患不作。故曰。禮不可不謹也。曰。民

知禮矣。而未知務。然後布法以任力。任力有五務。

五務者何。曰。君擇臣而任官。大夫任官。辯事。

辯明也能

明所任之事也

官長任事守職。士修身功材。

材謂藝能士既修身必於

藝能有功也

庶人耕農樹藝。君擇臣而任官。則事不煩。

亂。大夫任官。辯事。則舉措時。官長任事守職。則動

作和。士修身功材。則賢良發。庶人耕農樹藝。則財

用足。故曰。凡此五者。力之務也。夫民必知務。然後

心一。心一。然後意專。心一而意專。然後功足。觀也。

故曰。力不可不務也。曰。民知務矣。而未知權。然後



考三度以動之。所謂三度者何。曰上度之天祥。下  
度之地宜。中度之人順。此所謂三度。故曰天時不  
祥。則有水旱。地道不宜。則有飢饉。人道不順。則有  
禍亂。此三者之來也。政召之曰審時以舉事。時則天祥  
地宜人順之時也以事動民。事成則民可動以民動國。民得其時則事可成以國動天下。國強則天下可動也天下動。然後功名可  
成也。故民必知權。然後舉錯得。權謂能知三度舉錯得。則  
民和輯。民和輯。則功名立矣。故曰權不可不度也。  
故曰五經既布。然後逐姦民。詰詐僞。屏讒慝。而毋

聽淫辭。毋作淫巧。若民有淫行邪性。樹爲淫辭。作爲淫巧。以上諂君上而下惑百姓。移國動衆以害民務者。其刑死流。大罪死小罪流故曰。凡人君之所以內失百姓。外失諸侯。兵挫而地削。名卑而國虧。社稷滅覆。身體危殆。非生於諂淫者。未之嘗聞也。何以知其然也。曰。淫聲諂耳。淫觀諂目。耳目之所好。諂心。心之所好。傷民。民傷而身不危者。未之嘗聞也。曰。實壙虛墾。田疇修牆屋。則國家富。節飲食。撙衣服。則財用足。舉賢良。務功勞。布德惠。則賢人進。逐



姦人詰詐僞。去讒慝。則姦人止。修飢饉。救災害。賑

罷露。則國家定。明王之務。在於強本事。去無用。然

後民可使富。

本事謂農桑也。無用謂末作也。

論賢人。用有能。而民

可使治。薄稅歛。毋苟於民。

謂無苟取於民。

待以忠愛。而民

可使親。三者霸王之事也。事有本而仁義其要也。

今工以巧矣。而民不足於備用者。其悅在玩好。

君悅。

玩好則民務末作。故備用不足。

農以勞矣。而天下飢者。其悅在珍

怪。方丈陳於前。

方丈陳前則役用廣。故農勞而不免於飢。

女以巧矣。而

天下寒者。其悅在文繡。

君悅文繡則女工傷成天下寒。

是故博帶

梨

梨博帶以就狹也梨割也

大袂列

列大袂以從小

文繡染

染文繡為純色

刻

鏤削

削刻鏤為純素

雕琢采

采雕琢為純漫

關幾而不征

幾察也但使察

非常而不征賦也

市鄠而不稅

鄠市中置物處但籍知其數不稅歛

古之良

工不勞其知巧以為玩好是故無用之物守法者

不失

或為無用物守法者必得而誅之不使漏失也

管子卷第三

終



管子卷第四

唐司空房 玄齡 註

宙合第十一 樞言第十二

宙合第十一

古往今來曰宙也。所陳之道既通，往古又合，來今無不苞羅也。

外言二

左操五音，右執五味。

第一舉目

懷繩與准，鈎多備規軸。

減溜大成，是唯時德之節。

第二舉目

春采蓂，夏

處陰，冬處陽。

第三舉目

大賢之德，長明乃哲。哲乃明，奮

乃苓，明哲乃大行。

第四舉目

毒而無怒，怨而無言，欲而

無謀

第五舉目

大揆度儀。若覺臥。若晦明。若敖之在堯。

也

第六舉目

毋訪于佞。毋蓄于諂。毋育于凶。毋監于讒。

不正廣其荒

第六舉目

不用其區區。鳥飛准繩。

第八舉目

謏

火縣反

充末衡。易政利民。

第九舉目

毋犯其凶。毋邇其求。

而遠其憂。高為其居。危顛莫之救。

第十舉目

可淺可深。

可浮可沈。可曲可直。可言可默。

第十一舉目

天不一時。

地不一利。人不一事。可正而視。定而履。深而迹。

第十

二舉目

夫天地一險一易。若鼓之有桴。

宅耕反

擿

丁歷反

擋

丁用反

則擊。天地萬物之橐。宙合有橐。天地。

第十三舉

十二舉目當在則擊下

十一舉目當在人不一事下



目左操五音。右執五味。此言君臣之分也。左陽君道右陰

臣道故曰君臣之分也君出令佚。故立于左。君但出令故曰佚凡右為用事

故左佚而右勞臣任力勞。故立于右。臣則任力故曰勞夫五音不

同聲而能調。此言君之所出令無妄也。五音雖有不同樂師

盡能調之喻百度雖各有別君則盡能裁之故所出無妄而無所不順。順而令

行政成。君出令皆順奉之則政成五味不同物而能和。此言臣

之所任力無妄也。五味宰夫能之和之百職臣守任之而無妄也而無所

不得。得而力務財多。臣能任職得宜務而財必多也故君出令正

其國而無齊其欲。民欲既異常隨其欲而教之也一其愛而無獨

與是。

王臣其愛宜一率土周之無所獨與則是愛不一毋獨與是也。

王施而無私。

則海內來賓矣。臣任力。同其忠。而無爭其利。不失

其事。而無有其名。分敬而無妬。則夫婦和勉矣。君

失音。則風律必流。

流謂蕩散。

流則亂敗。臣離味。則百姓

不養。

臣離味百職曠。故百姓不養也。

百姓不養。則衆散亡。君臣各

能其分。則國寧矣。故名之曰不德。懷繩與准。鉤多

備。規軸減溜大成。是唯時德之節。夫繩扶撥以爲

正。准。壞險以爲平。

准必壞舊高峻。而後以爲平也。

鉤入枉而出直。

工人用鉤則就枉取直也。

此言聖君賢佐之制舉也。

言制以舉賢之法用。



按別本註成  
軸既多因物  
施宜隨大小  
而用之也

鉤博而不失。因以備能而無遺。所舉既博則枉直咸盡故無所失雖

雞鳴狗盜無所不取。國猶是國也。民猶是民也。桀

紂以亂亡。湯武以治昌。湯之國人亦桀之國人武

以之亡亂之故也湯章道以教。明法以期。民之興

善也如此。湯武之功是也。湯武之昌教化明也多

備規軸者。成軸也。規者正圓器軸者轉規大小悉

和今用規者欲夫成軸之多也。其處大也不究。其

入小也不塞。究窮也大軸用大處小用小猶迹求

履之憲也。迹者履之所出善者恩之所生憲法也

劉廷惠

心善心可生也。夫焉有不適善。以恩驅善故無不適也。適善備也。僊

也是以無乏。僊輕順貌。既皆適善。能備以恩為善者。輕順人君善。既備順何所乏哉。則

求者無不善也。故諭教者取辟焉。辟法也。取為規矩也。天消陽無計

量。地化生無法崖。清古育字。天以陽氣育生萬物。物生不可計量。地以陰氣化萬

物。物之生化無有崖畔。君所謂是而無非。非而無

是。亦既行恩。又須順物。當順而是之。不得有非。是也。是非有必

交來苟信。是以有不可先規之。是非既有必使二者俱來得以驗之。

是既信之有矣。非則不可掩故先以恩義令息改也。必有不可識慮之。然將

卒而不戒。不可識謂其非謀隱伏意在不可測。或苞藏禍心故必有以防慮之。如其事將終。



卽必當陰備待之。故聖人博聞多見，畜道以待物。  
不可戒告於彼也。以道待物，物至而對形，曲均存矣。  
無不容也。恩配大小之形，如此則均。減盡也。溜發也。言徧環  
平皆在於恩，而無遺失也。減溜盡發，君旣均施  
畢，莫不備得。故曰減溜大成。以恩故物盡發於善  
亦旣盡善，君教不徧減順。成功之術，必有巨獲。  
圓之周無不備得也。成大獲，必周於德。審於時，時德之遇，事之會也。若  
合符然。故曰是唯時德之節。德旣周時，又審二者  
功而不。春采生，秋采蔞，夏處陰，冬處陽。此言聖人  
成也。之動靜開闔，詘信淫。反。儒取與之，必因於時也。

時則動。不時則靜。是以古之士有意而未可陽也。

故愁其治。言含愁而藏之也。有意濟世時亂方殷未可明論故曰理代

之言陰愁而藏之賢人之處亂世也。知道之不可行。則沈

抑以辟罰。靜默以侔免。也。侔取辟之也。猶夏之就清。

七性反冬之就溫焉。可以無及於寒暑之留矣。夏不就清

冬不就溫更以寒暑致災終無益也喻賢者不避亂世更招刑譴何榮之可得哉非為畏

死而不忠也。忠賢人之避亂世豈畏死而不忠哉但以無益而徒死也夫強言

以為僂而功澤不加。時非所言必致刑僂既進傷

為人君嚴之義。臣進而遇傷人君因退害為人臣

此益加其嚴酷也



者之生

退而不遇害而人臣因此轉更偷生也

其為不利彌甚

不避亂世

而遇害則君益其嚴酷

故退身不舍端修業不息

臣亦偷生不利彌甚也

版以待清明

賢者雖復退身終不捨其端操不息修業亦不息其版籍所以

俟亂世清明候風雲以舉翼也

故微子不與於紂之難而封於宋

以為殷主先祖不滅後世不絕故曰大賢之德長

可久可大則賢人之德業

明乃哲哲乃明奮乃苓明哲乃大行

此言擅美主盛自奮也以琅湯

琅音浪湯音湯

凌轢人

人之敗也常自此是故聖人著之簡策傳以告後進

曰奮盛苓落也盛而不落者未之有也故有道者

不平其稱。不滿其量。不依其樂。不致其度。有道者則湯武

也。所以不平稱滿量。侈樂致度者。所以晦其明。爵尊則肅士。祿豐則務施。

功大而不伐。業明而不矜。夫名實之相怨久矣。是

故絕而無交。有名有實。必為人怨。其來久。所以絕四鄰之好。杜賓客之交。惡其名實之

聞也。惠者知其不可兩守。乃取一焉。故安而無憂。名實

不可兩守。故但存其一。怨從此而息。所以安然而無憂也。毒而無怒。此言止忿

速濟沒法也。毒者陰為賊害。從而怒之。彼知其所行。毒怨恨續赴其行。毒之法沒而

不用。今不為怒者。所以止此忿。速濟斷沒法也。然而無言。言不可不慎也。

言不周密。反傷其身。言怨怒。但可藏之在心。不言之口。以泄其恨。陰懷他計。反



被傷身也故曰欲而無謀言謀不可以泄謀泄菑極欲既

其事方始圖之無使謀泄泄謀災必至故曰災極至夫行忿速遂沒法賊發

言輕謀泄菑必及於身故曰毒而無怒怨而無言

欲而無謀大揆度儀若覺臥若晦明言人君材質雖不慧但大

揆度儀法有疑則問之賢若覺而臥若從晦而視明可以成大也言淵色以自詰

也靜默以審慮依賢可用也君有所未晤當淵寂其色以自窮詰靜默

其神以審思慮有所不晤依賢以問之故其為可用也仁良既明通於可不

利害之理循發蒙也問於仁良其事既明見利害之理則通晤循而用之其蒙

自發明也故曰若覺臥若晦明若敖之在堯也敖堯子丹朱慢

而不恭故曰敖敖在堯時雖凡下材但以聖人在  
上賢人在下位動而履規矩常自禮法竟以改邪  
爲明故賓虞朝讓德羣  
后書曰無若丹朱敖  
毋訪于佞言毋用佞人也

用佞人則私多行毋蓄于諂言毋聽諂聽諂則欺  
上毋育于凶言毋使暴使暴則傷民毋監于讒言  
毋聽讒聽讒則失士夫行私欺上傷民失士此四  
者用所以害君義失正也夫爲君上者旣失其義  
正而倚以爲名譽爲臣者不忠而邪以趨爵祿亂  
俗敗世以偷安懷樂雖廣其威可損也故曰不正  
廣其荒是以古之人阻其路塞其遂守而物修故



著之簡策。傳以告後世人。曰。其爲怨也深。是以威  
盡焉。不用其區區者。虛也。人而無良焉。故曰虛也。  
凡堅解而不動。踳隄而不行。其於時必失。失則廢  
而不濟。失植之正而不謬。不可賢也。植而無能。不  
可善也。所賢美於聖人者。以其與變隨化也。淵泉  
而不盡。微約而流施。是以德之流。潤澤均加于萬  
物。故曰聖人參于天地。鳥飛准繩。此言大人之義  
也。鳥飛准繩。曲以爲直。大人之義。權而合道。夫鳥之飛也。必還山集谷。  
不還山則困。不集谷則死。山與谷之處也。不必正。

直而還山集谷。曲則曲矣。而名繩焉。以為鳥起于

北。意南而至于南。起于南。意北而至于北。苟大意

得。不以小缺為傷。鳥意將集南北亦隨山谷而曲飛苟遂南北之大意不以曲飛

小缺為傷聖人行權亦猶是也苟得合義之大致不以反經小過而為傷也故聖人美

而著之。美鳥飛之事著之簡策也曰千里之路不可扶以繩。繩直

千里路必窮也萬家之都不可平以准。平准萬家居必塞也言大人

之行不必以先帝常義立之謂賢。守常違變道必躡也故為

上者之論其下也。議欲理也不可以失此術也。此術權道謏

火縣反充言心也。心欲忠。末衡言耳目也。耳目欲

遠也



按易政謂平  
易近民也

伎梁紀切

端中正者治之本也耳司聽聽必順聞聞審謂之

聰

耳之所聞既順且審故謂之聰

目司視視必順見見察謂之明

目之順

心司慮慮必順言言得謂之知

故謂之智

聰明以知則博博而不悞所以易政也

智也三者既博故事無過舉乃得中可制禮作樂易先古政

政易民利利乃勸

勸則告

民既勸勉故可

聽不順不審不聰不審不

聰則繆視不察不明不察不明則過慮不得不知

不得不知則昏繆過以昏則憂憂則所以伎苛伎

苛所以險政政險民害害乃怨怨則凶故曰謏充

末衡言易政利民也。毋犯其凶言中正以蓄慎也。毋適其求言上之敗常貪於金玉馬女而宏愛於粟米貨財也。厚藉歛于百姓則萬民懟怨遠其憂言上之亡其國也。常適其樂立優美而外淫于馳騁田獵內縱于美色淫聲下乃解怠惰失百吏皆失其端則煩亂以亡其國家矣。高爲其居危顛莫之救此言尊高滿大而好矜人以麗主盛處賢而自予雄也。言君王豪盛處已以賢自許以爲英雄予許也故盛必失而雄必敗。夫上旣主盛處賢以操士民國家煩亂萬民



心怨。此其必亡也。猶自萬仞之山播而入深淵。其

死而不振也。必故曰毋邇其求而遠其憂。高為其

居。危顛莫之救也。可淺可深。可沈可浮。可曲可直。

可言可默。此言指意要功之謂也。凡此淺深曲直諸事皆可詳之

言之指意要必得此然可以成功天不一時。春夏秋冬各有其時地不利。

五土十地各有其利人不一事。士農工商各有其事是以著業不得不

多。人之名位不得不殊。天時地利猶有不一況於人之所著事業及其名位

豈得不多而殊乎方明者察于事。故不官。官主也于物而旁

通于道。方謂法術言法術通明之士察於天地知不可專一故云不主一物功用無方旁通

也。於道也者。通乎無上。詳乎無窮。運乎諸生。諸物由道

而是故。辯于一言。察于一治。攻于一事者。可以曲

說而不可以廣舉。言寡能之人但辯一言。察一理。攻一事。如此者。唯可以示一曲。

之說未足。以廣苞也。聖人由此知言之不可兼也。故博為之

治而計其意。知一言不可兼。羣言故博。為理眾言。而復計度所言之意。以告喻之也。

知事之不可兼也。故名為之說。而況其功。又知一事不足。

以兼眾事故。每事皆立名而為之說。又恐未明其功。故比況而曉告之。歲有春秋冬

夏。月有上下中旬。日有朝暮。夜有昏晨。半星。星半隱半

也。見辰序各有其司。故曰天不一時。此以上各舉天。時不一半星辰。



序言其星辰晝隱夜出常見山陵岑巖淵泉閎流

半至於次序有司以為法也泉踰澗而不盡澗湊漏薄承澗而不滿泉逾而前

欲其流不盡至溪谷小既停薄隨高下肥磽物有

所宜故曰地不一利此以上略言地利不一也鄉有俗國有法

食飲不同味衣服異采世用器械規矩繩准稱量

數度品有所成故曰人不一事此以上舉人之事不一也此各

事之儀其詳不可盡也此天地人三者之儀但略舉之故其詳不盡也可

正而視言察美惡審別良苦不可以不審操分不

雜故政治不悔定而履言處其位行其路為其事

則民守其職而不亂。故葆統而好終。深而迹。言明

墨章書。道德有常。則後世人人修理而不迷。故名

聲不息。夫天地一險一易。若鼓之有槔。槔當為響擗擋

則擊。險易猶否泰。夫天地不泰。應德而言苟有唱

之。必有和之。和之不差。因以盡天地之道。唱則擊也。小則

小和大則大和。故曰和擊而不差。應擊為響。象天地應德為否泰也。景不為曲。物直

響不為惡。聲美。物曲則影曲。聲惡則響惡。亦況天道福善禍淫。隨事而至也。是

以聖人明乎物之性者。必以其類來也。惡聲往則惡響來。猶

積善餘慶。積惡餘殃。故君子繩繩乎慎其所先。天地萬物之



按山乃止字

橐也

君子知善惡必報繩繩戒慎先天地以類善天地萬物從而應之則善在先應在後如橐

之成物也故曰天地萬物之橐

宙合有橐天地

宙合之道教以先天地行善故橐天

也天地苴

子餘反

萬物故曰萬物之橐

苴裹萬物在天地之中故

也為橐

宙合之意

上通於天之上下泉於地之下外

出於四海之外合絡天地以為一裹

宙合廣積善以通天上入

地下包絡天地為一裹也

散之至于無間不可名而山

宙合之裹故散

其終上能無偷觀猶不可得其名若山然也

是大之無外小之無內故

曰有橐天地其義不傳

苟非其人道不虛行一典故其義不可妄傳也

品之不極一薄然而典品無治也

典常也宙合之道專一而能常

行則不有窮若乃輕薄不能崇重則此多內則富道或幾乎息矣常品之人不能重理也

時出則當而聖人之道貴富以當奚謂當本乎無

妄之治運乎無方之事應變不失之謂當變無不

至無有應當本錯不敢忿當謂行賞以當功當功

變不至也故雖不用物不敢忿怒也故言而名之曰宙合尋古遺言之立名名

曰宙合也

樞言第十二樞者居中以運外動而不窮者也言則慮心而發口變而無主者也其用

若樞故

曰樞言

外言三



管子曰。道之在天者日也。日者萬物由之以顯功莫大焉

故謂之其在人者心也。心者萬物由之以慮萬理

道也謂之。故曰。有氣則生。無氣則死。日與心以生成為

道主此言氣者道之用也。尤宜重也。有名則治。無名則亂。治者以其

名。物既生成須立法以治之在於名實相樞言曰。

愛之。利之。益之。安之。四者道之出。四者從道而生

帝王者用之而天下治矣。帝王者審所先所後。先

民與地則得矣。民者君之地君者民之天先貴與

驕則失矣。貴而不已則驕驕而不已則是故先王

慎貴在所先所後。人主不可以不慎貴。不可以不

慎民。不可以不慎富。慎貴在舉賢。慎民在置官。慎

富在務地。故人主之卑尊輕重。在此三者。不可不

慎。慎三則尊以重。忽三則卑以輕。國有寶有器有用。城郭險阻蓄

藏寶也。城郭完險阻修則寇盜息。蓄藏積民無飢故為寶也。聖智器也。聖無

智無遺策二者可操以成事故曰器。珠玉末用也。珠玉者飢不可食寒不可衣費多而

益少故為末用也。先王重其寶器而輕其用。故能為天下

生而不死者二。謂寶與器。立而不立者四。人君雖欲自立而重珠玉

則不令得立者四。謂喜怒惡欲。喜也者。怒也者。惡也者。欲也者。天



下之敗也。而賢者實之為善者。非善也。非善此故

善無以為也。故先王貴善。貴善王主積于民。無不

霸主積于將戰士。卒勇衰主積于貴人。益具亡主

積于婦女珠玉。速其故先王慎其所積。疾之疾之。

萬物之師也。為之為之。萬物之時也。強之強之。萬

物之指也。凡國有三制。有制人者。有為人之所制

者。有不能制人。人亦不能制者。何以知其然。德盛

義尊而不好加名於人。加名于人者人眾兵強而

不以其國造難生患。患難于人者天下有大事而

好以其國後

謙受益也

如此者制人者也

下人者

德不

盛義不尊而好加名于人。人不衆兵不强而好以

其國造難生患。恃與國幸名利。

言恃黨與之國又不爲推讓每輒幸

其名如此者人之所制也。

息侯伐鄭之比

人進

亦進。人退亦退。人勞亦勞。人佚亦佚。進退勞佚與

人相胥。

胥視也常視人與之俱進退勞佚也

如此者不能制人。人亦

不能制也。愛人甚而不能利也。

愛甚不利

憎人甚

而不能害也。

憎甚不害

故先王貴當。

愛必利

貴周。

深密不測

周者不出于口。不見于色。一龍一蛇。

則一



為龍一則為一日五化之謂周。行藏五變故曰五化故先王

蛇喻人行藏。不以一過二。以少喻多衆所驚也先王不獨舉。不擅功。獨舉擅功

人之疾。先王不約束。不結紐。約束則解。有束故可解結

紐則絕。有紐故可得而絕故親不在約束。結紐。相親從心生也先

王不貨交。貨交則人心有親疎不列地。列地則人心有向背以為天下。

天下不可改也。親疎向背是其改也改為分別而可以鞭箠使也。

若乃不改而以鞭箠威之。則無思不服。時也。利也。出為之也。先王有所出為

必上得天時。餘日不明。餘耳不聰。苟非時利雖目視有餘不用其

明耳聽有餘。不用其聰也。是以能繼天子之容。天子之容時利而已官職

亦然。

亦時利也

時者得天。義者得人。

義即利也

既時且義。故

能得天與人。

先王不以勇猛爲邊竟。則邊竟安。邊

竟安。則鄰國親。鄰國親。則舉當矣。人故相憎也。人

之心悍。故爲之法。法出于禮。禮出于治。治禮道也。

萬物待治禮而後定。凡萬物。陰陽兩生而參視。先

王因其參而慎所入。所出以卑爲卑。卑不可得。以

尊爲尊。尊不可得。桀舜是也。先王之所以最重也。

得之必生。失之必死者。何也。唯無得之。堯舜禹湯

文武孝已。斯待以成。天下必待以生。故先王重之。



一日不食比歲歉。三日不食比歲飢。五日不食比  
歲荒。七日不食無國土。十日不食無疇類盡死矣。  
先王貴誠信。誠信者天下之結也。信誠者所以結固天下之心也  
賢大夫不恃宗至。士不恃外權。坦坦之利不以功。  
坦坦之備不爲用。坦坦謂平平非有超而異者故不能立功而成用也故存  
國家。定社稷。在卒謀之間耳。聖人用其心。沌沌乎  
博而園。豚豚乎莫得其門。一本作沌乎博而園。豚豚乎莫得而聞也紛  
紛乎若亂絲。遺遺乎若有從治。故曰欲知者知之。  
欲利者利之。欲勇者勇之。欲貴者貴之。彼欲貴我

貴之人。謂我有禮。彼欲勇。我勇之。人謂我恭。彼欲  
利我利之。人謂我仁。彼欲知。我知之。人謂我慤。戒  
之。戒之。微而異之。人心不同其猶面焉。令既順欲獲失時無所收。動作必  
思之。無令人識之。卒來者必備之。信之者仁也。不  
可欺者智也。既智且仁。是謂成人。賤固事貴。不肖  
固事賢。貴之所以能成其貴者。以其貴而事賤也。  
賢之所以能成其賢者。以其賢而事不肖也。惡者  
美之充也。卑者尊之充也。賤者貴之充也。故先王  
貴之。天以時使。地以材使。人以德使。鬼神以祥使。



禽獸以力使。所謂德者。先之之謂也。故德莫如先。應適莫如後。先王用一陰二陽者霸。盡以陽者王。以一陽二陰者削。盡以陰者亡。量之不以少多。稱之不以輕重。度之不以短長。不審此三者。不可舉大事。能戒乎。能敕乎。能隱而伏乎。能而稷乎。能而麥乎。春不生而夏無得乎。衆人之用其心也。愛者憎之始也。德者怨之本也。唯賢者不然。先王事以合交。德以合人。二者不合。則無成矣。無親矣。凡國之亡也。以其長者也。人之自失也。以其所長者也。

故善游者死于梁也。善射者死于中野。命屬於食。治屬於事。無善事而有善治者。自古及今。未嘗之有也。衆勝寡。疾勝徐。勇勝怯。智勝愚。善勝惡。有義勝無義。有天道勝無天道。凡此七勝者。貴衆用之。終身者衆矣。人主好佚欲。亡其身。失其國者殆。其德不足以懷其民者殆。明其刑而賤其士者殆。諸侯假之威久而不知極已者殆。身彌老不知敬其適子者殆。蓄藏積陳朽腐不以與人者殆。凡人之名三。有治也者。有耻也者。有事也者。事之名二。正



之察之。五者而天下治矣。名正則治。名倚則亂。無  
名則死。故先王貴名。先王取天下。遠者以禮。近者  
以體。體禮者所以取天下。遠近者所以殊天下之  
際。日益之而患少者惟忠。日損之而患多者惟欲。  
多忠少欲。智也。爲人臣者之廣道也。爲人臣者。非  
有功勞于國也。家富而國貧。爲人臣者之大罪也。  
爲人臣者。非有功勞于國也。爵尊而主卑。爲人臣  
者之大罪也。無功勞于國而貴富者。其唯尚賢乎。  
衆人之用其心也。愛者憎之始也。愛盡而憎。德者怨之

本也。

德竭而怨生

其事親也。妻子具則孝衰矣。其事君

也。有好業。家室富足。則行衰矣。爵祿滿。則忠衰矣。

唯賢者不然。

賢者有始有卒

故先王不滿也。人主操逆。人

臣操順。先王重榮辱。榮辱在爲天下。無私愛也。無

私憎也。爲善者有福。爲不善者有禍。禍福在爲。故

先王重爲。明賞不費。明刑不暴。賞罰明。則德之至

者也。故先王貴明天道。大而帝王者。用愛惡。愛惡

天下可秘。愛惡重閉必固。釜鼓滿。則人概之。人滿

則天概之。故先王不滿也。先王之書。心之敬執也。



而衆人不知也。故有事。事也。毋事亦事也。吾畏事。  
不欲爲事。吾畏言。不欲爲言。故行年六十而老吃  
也。

管子卷第四

終















